



PRISIDÊNCIA DO  
CONSELHO  
DE MINISTROS



Dili, 15 ,fevereiro de 2021  
Ref . 52/G-MPCM/II/2021

**Asuntu: Konsultasaun Ho Organizasaun Sosiedade Sivil Sira Kona ba Estratezia Identidade Úniku,**

Señór/Señora,

Governu Timor-Leste, liu husi TIC Timor no Prezidénsia Konsellu Ministru (PCM), inisia planu atu introdús Sistema Identifikasaun Úniku ne'ebé ho objetivu hadi'ak liutan planeamentu, jestaun no koordenasaun iha fornecimentu servisu ba atendimentu públiku sira. Identifikasaun Úniku konsidera hanesan dalan di'ak ida atu dezenvolve governu eletróniku (e-governance) iha Timor-Leste.

Adere ba prinsípiu "la husik ema ida iha kotuk", no alkansa rezultadu dezenvolvimentu equitativu no sentradu ba ema, Oitavo Governo Konstitusional Timor-Leste subliña nesesidade hodi continua agenda sira reforma ninian inklui reforma iha administrasaun públika.

Ajenda reforma administrasaun públika alista implementasaun Sistema Identifikasaun Úniku modernu hanesan rezultadu ida hare'e ba benefisiu significativu ne'ebe sistema refere bele fo. Sistema Identifikasaun Úniku loke dalan ba Governu atu hadia'k liutan servisu atendimentu públiku sira, hadi'ak liutan jestaun no koordenasaun iha política sosial, hamenus gastus ne'ebe la nesesariu no benefisiu seluk-seluk tan.

Nune'e mos, sistema refere fo dalan ba Governu no setor privadu atu identifika di'ak liutan nia sidadaun sira, no ema sira ne'ebe iha Timor-Leste nia fronteira liu husi hata'an ba pergunta sira hanesan "Itabo'ot se? Itabo'ot dunik ka laos? Itabo'ot Autorizadu ou Elizivel ba Buat Ruma? Identifikasaun Úniku hanesan baze ba sistema identidade ne'ebe konfiavel sidadaun ida nian no Sistema Identifikasaun Úniku fornese baze ba

implementasaun Governu Eletróniku ne'ebe mos hanesan prioridade oitavo governu nian.

Jornada Sistema Identifikasaun Úniku ida ne'e hahú wainhira Ministeriu Reforma Lezislativa no Asuntu Parlamentares (MRLAP) koordena diagnóstiku ida kona ba Timor-Leste nia prontidaun atu implementa Sistema Identifikasaun Úniku iha tinan 2019. Avaliasaun iha tempu neba hetan tulun husi UNDP no UNICEF. TIC TIMOR hanesan ajensia ICT hola parte mos iha prosesu avaliasaun ida ne'e. Hamutuk, TIC TIMOR no MRLAP prezenta rezultadu avaliasaun ba Konsellu Ministrus iha fulan Feveireu 2020. Konsellu Ministrus desidi atu forma Komisaun Tékniku Eventual liu husi Rezolusaun Governu númeru 9/2020 iha Marsu 2020.

Komisaun nia mandatu maka atu prepara estratezia integradu ida ba implementasaun Sistema Identifikasaun Úniku ba Timoroan no ema estranzeiru ne'ebe hela iha Timor-Leste, nomos planu orsamentu no operasaun ba sistema ida ne'e hafoin submete ba Konsellu Ministrus hodi hetan aprovasaun.

Komisaun agora dadauk hala'o hela konsultasaun ho parte interesadu sira hodi asegura katak opiniaun no hanoin husi parte hotu-hotu hetan konsiderasaun, parte hotu bele hatu'o kestaun sira, no rona mos ema barak nia lian antes prezenta estratezia sira ne'e ba Konsellu Ministrus nia aprovasaun. Sujestaun, kestaun, no komentariu sira husi konsultasaun ida ne'e sei refleta iha planu estratéziku ida ne'e.

Ne'edunik, ami hakarak konvida Itabo'ot atu partisipa iha atividade konsultasaun ne'ebe sei realiza iha loron **Sexta-Feira, 19 Feveireu 2021 iha Sala Enkontru Suai, Timor Plaza, hahu oras 08:30 dader to remata**. Favor hare'e agenda atividade konsultasaun iha aneksu.

Relasiona ho medidas prevensaun covid-19, ami husu atu kada instituisaun delega maximu ema nain rua (2) de'it.

Favor konfirma Itabo'ot sira nia partisipasaun liu husi fo naran, email, no numeru telefone mai Sra. Elizabeth Baptista, iha numeru 77533180. Esbosu planu estratéziku sei haruka ba participante sira ne'ebe konfirma atu atende.



Fidelis M.L. Magalhães

Ministro da Presidência do Conselho de Ministros

## Annex: Agenda

### Agenda

Data: Sexta-Feira, 19 Fevereiro 2021

Oras: 08:30 to'o 12:30

Fatin Suai room, Timor-Plaza

Partisipante: Organizaun Sociedade Civil

No.	Oras	Aktividade	Responsavel
1	8:30 – 9:00	Rezistrasaun	Sekretariadu Identifikasaun Uniku
2	9:00 – 9:15	Bemvindo no Introdusaun	Koordenador Komisaun Téknika Identifikasaun Uniku
3	9:15 – 9:45	Aprezentasaun: Estratezia Identifikasaun Uniku	Elizabeth Baptista
4	9:45 – 10:00	Merenda	
5	10:15– 12:30	Diskusaun	Elizabeth Baptista